

Ա. Օ. АРУТЮНЯН, *Кавказский фронт 1914—1917 гг.*, издательство «Айастан», Ереван, 1971, 415 էջ:

Պատմական գիտությունների դոկտոր Աշոտ Հարությունյանի մենագրությունը նվիրված է պատմագիտական խիստ կարևոր մի պրոբլեմի, որն իր ռազմադիմանդոտական առումով հարկ եղած չափով չի ուսումնասիրվել: Մյուս կողմից, թեմայի առանձին հարցեր բուրժուական, առաջին հերթին թուրքական պատմագրության կողմից ենթարկվել են նենգափոխման և շարունակվում են նենգափոխվել: Ուստի, սովետական պատմաբանները զեռես կարևոր անելիքներ ունեն այդ թեմայի ուսումնասիրման բնագավառում, որպեսզի՝ և՛ հարստացնեն տվյալ բնագավառի իրենց կատարածը, և՛ վճռական հակահարված տան պատմության կեղծարարներին:

Գրախոսվող աշխատությունը զգալի չափով լրացնում է այդ բնագավառում եղած բացը: Այն ընդգրկում է բազմաթիվ պրոբլեմներ, սակայն մենք կանդրադառնանք միայն մի քանի սուսվել կարևոր ու հանգուցային հարցերի:

Աշխատության անժխտելի արժանիքներն է աղբյուրագիտական հարուստ նյութը: Հեղինակը հմտությամբ ընտրել է առավել փաստային վավերագրերը և դրանք նպատակասլաց օգտագործել:

Հետաքրքրությամբ է ընթերցվում աշխատության ընթերցողները, որտեղ քննվում է թեմային վերաբերող գրականությունը: Համոզիչ են հեղինակի դիտողությունները ռազմական անվանի պատմաբան Ն. Գ. Կորսունի որոշ սխալների մասին: Բարձր գնահատելով Կովկասյան ռազմաճակատի պատմության ուսումնասիրության ուղղությամբ նրա կատարած աշխատանքը, Ա. Հարությունյանը միաժամանակ ցույց է տալիս, որ Ն. Գ. Կորսունը իրավացի չէ պնդելով, թե ցարական Ռուսաստանը 1914 թ. պատրաստ էր պատերազմին և նրա համար նպատակադր պայմաններ էին ստեղծվել հարձակվելու Թուրքիայի վրա: Հեղինակը իրավացիորեն նկատում է, որ Ն. Գ. Կորսունը գերազանցատու է ցարիզմի դիմանագիտական պայքարի նշանակությունը Արևմտյան Հայաստանի վեց վիլայեթներում բարենորոգումներ անցկացնելու հարցում, ինչպես նաև պանիսլավիզմի գաղափարների պրոպագանդայի ազդե-

ցությունը Կովկասի և Ռուսաստանի մահմեդական բնակչության շրջանում:

Գրախոսվող աշխատությունում արդարացիորեն քննադատվում է Ն. Գ. Կորսունի նաև այն պնդումը, թե հայերին Արևմտյան Հայաստանից արարական անապատներ արտագրեելիս թուրքական իշխանությունները նրանց նկատմամբ ուշադիր և մեղմ էին (էջ 8—9): Մինչդեռ, իրականում, կատարվել է բոլորովին հակառակը: Այդ ցույց տալու համար գրքում բերված են հետաքրքիր փաստեր: Այսպես, օրինակ, 1915 թ. հուլիսի 7-ին Թուրքիայում Գերմանիայի դեսպան Վանգենհայմը գերմանական կանցլեր Բեռման-Գոլմեգին հաղորդել է, որ թուրքական կառավարությունը նպատակ է դրել ոչնչացնել Թուրքիայի հայ բնակչությանը: Հեղինակը բերել է նաև հայկական շարժերի ոգևորիչ և կազմակերպիչ Թալիաթ բեյի տխրահույս հեռագիրն այդ ժամանակ Հալեպի նահանգապետ Զեմալ փաշային՝ հայերի մասսայական կոտորած կազմակերպելու և դրան դիմադրողների հետ անողորմ դատաստան տեսնելու մասին (էջ 9):

Աշոտ Հարությունյանն անդրադառնում է ռազմաթիվ բուրժուական պատմաբանների ռուսումնասիրություններին, ինչպես նաև Թուրքիայի այն ժամանակվա զինվորական ու քաղաքական գործիչների «հուշագրություններին» և մերկացնում Կովկասյան ռազմաճակատի և դրա հետ կապված մի շարք իրադարձությունների պատմությունը կեղծելու նրանց փորձերը: Ինչպես հայտնի է, Կովկասյան ռազմաճակատում մարտական գործողություններն սկսվեցին 1914 թ. հոկտեմբերի 27-ին, երբ թուրքական ռազմածովային նավատորմը իր կազմում ունենալով գերմանական «Գերեն» և «Բրեսլաու» ռազմանավերը, գերմանական ծովակալ Մուշեղի հրամանատարությամբ, ուժակոծեց Սևաստոպոլը, Օդեսան, Նովորոսիյսկը և Թեոդոսիան: Հոկտեմբերի 31-ին Ռուսաստանը պատերազմ հայտարարեց Թուրքիային: Բազմահարուստ փաստական նյութի, մեծ մասամբ արխիվային վավերագրերի հիման վրա գրախոսվող գրքի հեղինակը համոզիչ կերպով ցույց է տվել պատերազմի ժամանակ Գերմանիայից Թուրքիայի

ստացած օգնության տարբեր դրսևորումները, մինչև վերջ բացահայտել Անդրկովկասի, Մերձավոր արևելքի և Ռուսաստանի նկատմամբ Թուրքիայի և Գերմանիայի քաղաքականության նվաճողական էությունը: Մերձավոր արևելքում ցարական Ռուսաստանի նվաճողական քաղաքականությունը չմիտելով հանդերձ, Ա. Հարությունյանն իրավացիորեն նկատում է, որ այն որոշ դեպքերում ստիպված էր հակահարված տալ իր շահերի նկատմամբ ոտնձգություններ կատարող մյուս տերություններին:

Կովկասյան ռազմաճակատի ցամաքային զորքերի գործողությունները (1914 թ. նոյեմբերից սկսած), տևում են մինչև 1917 թ. նոյեմբեր-դեկտեմբերը: Ռազմաճակատի գիծը ձգվում էր Ա և Ժովից մինչև Իրան (մոտ 1500 կմ.): Գրախոսվող գրքում Կովկասյան ռազմաճակատի իրադարձությունները վերլուծվել են առաջին համաշխարհային պատերազմի ռազմադիվանագիտական պատմության ընդհանուր ֆոնի վրա: Հեղինակը հանգամանորեն է նկարագրում Կովկասյան ռազմաճակատի հիմնական ճակատամարտերը, ընթերցողին ծանոթացնելով յուրաքանչյուր ճակատամարտի նախօրյակին կողմերի ուժերի հարաբերակցությանը, նրանց հրամանատարությունների պլաններին, ռազմական գործողությունների ընթացքին, կրած կորուստներին և տվյալ գործողության ռազմաքաղաքական և դիվանագիտական հանրազմաբերին: Հատկապես հիմնավոր են նկարագրվել Սարիղամիշի, Ալաշկերտի և էրզրումի ճակատամարտերը: Մասնավորապես Սարիղամիշի ու էրզրումի ճակատամարտերը նկարագրելուց ցույց է տրված ռուսական ռազմական արվեստը լեռնային պայմաններում: Ա. Հարությունյանը օբյեկտիվորեն վեր է լուծում ռազմաճակատի առանձին հատվածներում ռուսական բանակի ունեցած առանձին անհաջողությունները, որոնք իրենց բացասական հետևանքներն ունեցան: Սակայն, ընդհանուր առմամբ, ինչպես ճիշտ նկատում է հեղինակը «1914-1917 թթ. Կովկասյան ռուսական բանակը կատարեց իր հիմնական մարտական խնդիրը՝ փակելով թուրքերի ճանապարհը դեպի Կովկաս և գրավելով ստրատեգիական մի շարք կետեր դիրքեր ու հենարաններ Մերձավոր և Միջին արևելքում» (էջ 377):

Աշխատության մեջ միաժամանակ ցույց է տրված, որ Կովկասյան ռազմաճակատում ռուսական բանակի հաջողությունները ավելի էին սրում նկատմությունները մի կողմից՝ Ռուսաստանի, մյուս կողմից՝ նրա դաշնակիցներ Անգլիայի ու Ֆրանսիայի միջև նորահայտ արխիվային վավերագրերի հիման վրա հեղինակը ցույց է տալիս, որ պատերազմի ժամանակ

գրավված Արևմտյան Հայաստանի տարածքում ցարիզմի վարած քաղաքականությունը նրա նախապատերազմյան գաղութային քաղաքականության շարունակություն էր, որով Արևմտյան Հայաստանը դիտվում էր որպես Ռուսական կայսրության անբաժանելի մասը: Նրա վարչականավարչական կառուցվածքի և ներքին օրենքների մասին բոլոր նախագծերը ելնում էին դրանից: Գրքում միաժամանակ քննադատված է գրականության մեջ տեղ գտած այն սխալ տեսակետը, ըստ որի ցարիզմը նպատակ էր հետապնդում ունենալ «Հայաստան առանց հայերի»: Հեղինակը իրավացիորեն նշում է, որ դա ցարական առանձին գործիչների ձգտումն էր և ոչ կառավարության քաղաքականության էությունը: «Նվաճված մարզերի նկատմամբ ցարիզմի քաղաքականությունը, — գրում է Ա. Հոտ շարունակությունը, — չնայած իր բացահայտ գաղութային բնույթին, նպատակ չէր ձեռապնդում ստանալ «Հայաստան առանց հայերի»: Այդպիսի քաղաքականությունը չէր համապատասխանի իր՝ ցարիզմի շահերին» (էջ 379): Այնուհետև հեղինակը հանգամանորեն ցույց է տալիս, թե ինչու նման քաղաքականությունը ձեռնու էր ցարիզմին: Այս հարցի քննարկման ժամանակ ևս հեղինակի արտահայտած տեսակետները ճիշտ են, բերված փաստերը՝ համոզիչ:

Գրախոսվող աշխատության V1 գլուխը նվիրված է Կովկասյան ռազմաճակատում գործող հայկական կամավորական ջոկատների և կանոնավոր զորքերի ստեղծմանն ու նրանց պայքարի լուսաբանմանը: Հեղինակը նշում է, որ «եղևելով առաջին համաշխարհային պատերազմի բնույթի լենինյան գնահատականից, հայ բոլշևիկները բացառաբար էին վերաբերում ռուսական բանակի կազմում կամավորական ջոկատների ստեղծմանը: Այդ միջոցառումը ներանք դիտում էին որպես աջակցություն քրական կառավարությանը նրա նվաճողական քաղաքականության մեջ» (էջ 291): Հեղինակը ցույց է տալիս, որ բոլշևիկները կարծիքով թուրքական կառավարությունը կամավորական ջոկատների ստեղծումը կարող էր արևմտահայերի նկատմամբ դաժան հալածանքների արդյունքով:

Հայկական կամավորական ջոկատները պայքարում էին ոչ թե ցարիզմի գաղութային ծրագրերի իրագործման, այլ թուրքական լծի տակ հեծող հայ բնակչության ազդային ազատագրության, նրա ֆիզիկական դոյուրյան պաշտպանության համար: Ընդգծելով այդ, հեղինակը շեշտում է, որ շարժումը գնահատելիս հարկ է նկատի ունենալ պատմական երևույթների ու դեպքերի բարդ հանգույցը: 'Նշվելու նշում է իմ

բուլշևիկները, ցարիզմը ձգտում էր այդ պայ-
թարն օգտագործել իր գաղութային նպատակ-
ների համար, իսկ թուրքերը, անհիմն կերպով,
շարժումը դարձրին արևմտահայերի ֆիզիկա-
կան ոչնչացումն արդարացնելու պատրվակնե-
րից մեկը:

Գրքում մասնավորապես մեծ տեղ է տրված
Անդրանիկի կամավորական ջոկատի մարտա-
կան գործողություններին ու ռուսական բանա-
կի ղեկավարներին՝ Անդրանիկին տրված բարձր
գնահատականներին (էջ 309—314): Հեղինակը
ցույց է տալիս, որ շնայած բոլոր փորձերին,
դաշնակցությանը փաստորեն չհաջողվեց իր
ձեռքը վերցնել կամավորական շարժման ղե-
կավարությունը:

Պատմագիտական այս արժեքավոր ուսում-

նասիրությունը զերծ չէ նաև թերություններից:
Այսպես օրինակ, քիչ տեղ է տրված Կովկաս-
յան ռազմաճակատում բուլշևիկյան կազմակեր-
պությունների աշխատանքի լուսարանմանը, ինչ-
պես նաև զինվորական սովետների գործունեու-
թյանը: Աշխատության եզրակացությունը հան-
պումներ և փաստական անձնություններ:

Այդուհանդերձ՝ Աշոտ Հարությունյանի «Կով-
կասյան ռազմաճակատը 1914—1917 թթ.» աշ-
խատությունը արժեքավոր ներդրում է մեր
պատմական գիտության մեջ: Ցանկալի է, որ
հեղինակը պատրաստի նրա հայերեն հրատա-
րակությունը:

Ա. Մ. ՀԱՆՈՐԱՆ

Պատմաիշխան գիտությունների քոլտուր